

四庫全書

子部

欽定四庫全書

子部

六藝之一錄卷七十一

詳校官中書臣陸湘

貢外郎_臣牛稔文覆勘

總校官檢討_臣何思鈞

校對官中書_臣陸湘

謄錄監生_臣章王植

欽定四庫全書

六藝之一錄卷七十一

錢唐倪濤撰

石刻文字四十七

唐刻

豐碑

贈太尉王智興碑

裴度撰柳公權正書并篆額開成元年十一月

金石錄

右唐王智興碑裴晉公撰智興出於卒伍無他才能

其為將帥雖有破李師道李元宗李同捷之功然在徐

州跋扈難制逐崔羣侯弘度剽奪貢物重歛以結權倖其功不足掩過晉公為此碑可謂過其實矣

金石錄

梓州刺史馮宿碑

王起撰柳公權正書并篆額今在西安府儒學其文後半已漫漶不辨年月其首云開成元年十二月又

云明年五月云

金石文
字記

尚書馮宿碑此碑柳書結字小差勝玄秘塔碑尚不堪與薛稷雁行楊用修云亞於廟堂碑過矣大都柳

書筋骨太露不免支離宜米南宮之鄙為惡札而宣

城陳氏之笑其不能用右軍筆也

石墨
鐫華

檢校金部郎中崔稹碑

李絳撰柳公權正書開成三年正月

金石
錄

丞相崔羣碑

裴度撰劉禹錫正書開成三年正月

金石
錄

右唐丞相崔羣碑裴晉公撰劉禹錫書字畫訛缺處

多其可考者羣為武寧軍節度使召拜檢校禮部尚

書而唐史本傳作兵部其自荆南節度使召拜檢校
右僕射太常卿遂為吏部尚書以卒其傳但云召拜
吏部尚書而已皆當以碑為正羣在憲宗朝號稱賢
相時皇甫鏐方有寵羣力排其姦且為憲宗陳開元
天寶治亂所以分者其語激切然憲宗竟逐羣而相
鏐夫以羣之賢憲宗之明然讒間一入耳猶不免自

古君臣之際能保始終者顧不難哉

金石錄

淮南監軍韋元素碑

丁居晦撰柳公權正書開成三年七月

錄金石

淄王傳元公碑

李宗閔撰柳公權正書開成四年七月

錄金石

中書侍郎平章事李宗閔撰翰林學士承旨工部侍

郎柳公權書錫字君貺河南人代王什翼捷十四世

孫位至淄王傳贈尚書右僕射碑以開成四年七月

立

錄集古
目

贈兵部尚書李有裕碑

中書舍人李景讓撰工部侍郎知制誥柳公權書有
裕字綽夫幽州北平人官至衛尉卿碑以開成四年

立

集古
錄目

宣州觀察使王質碑

劉禹錫撰并正書開成四年十一月

金石
錄

王質神道碑唐太子賓客劉禹錫撰并書質字華卿

王通之後也開成中為宣歙池等州觀察使

集古
錄

太子太保李聽碑

李石撰柳公權正書開成五年二月

金石錄

右李聽神道碑李石撰聽父子為唐名將其勲業昭彰故以碑考傳少所差異而史家當著其大節其微時所歷官多不書於體宜然惟其自安州刺史遷神武將軍者史不宜略而不書者蓋闕也

集古錄

右唐李聽碑與唐史所載事迹多同惟聽罷魏博節

度使碑言為太子太師而史作少師小誤耳

金石錄

贈禮部尚書羅讓碑

王起撰柳公權正書開成五年二月

金石錄

常侍裴恭碑

金石略作邕州刺史贈右散騎常侍裴公碑云鄭述古書

盧衍撰鄭述古正書開成五年

金石錄

太尉李光顏碑

開成五年李程撰郭虔正書今在榆次縣

金石文
字記

贈左散騎常侍李惟直碑

柳正亮撰并書鄭綬篆額開成五年

京兆金
石錄

贈太師崔倓碑

劉禹錫撰柳公權正書會昌元年

金石錄

右唐崔倬碑據唐史倬子邠傳云倬位吏部侍郎余以碑考之倬仕至檢校吏部郎中兼御史中丞爾蓋

傳誤也

金石錄

今在偃師縣

金石文
字記

贈太子少保高重碑

姪元裕撰柳公權正書會昌四年十月

金石錄

右高重碑元裕撰柳公權書唐世碑刻顏柳二公書

尤多而字體筆畫往往不同雖其意趣或出於臨時而亦繫於模勒之工拙然其大法則常在也此碑字畫鋒力俱完故特為佳矧其墨蹟想宜如何也

集古錄

武威郡王李載義碑

裴環撰柳公權正書篆額會昌五年

京兆金石錄

相國李涼公碑

李德裕撰柳公權正書會昌六年

金石錄

李石碑柳公權書余家集錄顏柳書尤多惟碑石不

完者則其字尤佳非字之然也譬夫金玉埋沒於泥

滓時時發見其一二則粲然在目特為可喜爾

集古錄

右唐李涼公碑李德裕撰文字殘缺不可盡識按新唐史列傳載石所歷官甚略其最著者常兼御史中丞充巡邊使又自給事中遷京兆尹史皆不載其為荆南節度使也史云讓中書侍郎換檢校兵部尚書會昌三年檢校司空徙節河東而碑云初加檢校尚書武宗承統首讓中書侍郎就遷檢校右僕射餘如

故皆當以碑為正

金石錄

山南西道節度使王起碑

李回撰柳公權正書大中元年四月

金石錄

戶部尚書平章事李回撰太子少師柳公權書并篆

額起字舉之太原人位至山南西道節度使同中書

門下平章事贈太師碑以大中元年四月立在三原

集古
錄目

贈太尉牛僧孺碑

河陽三城節度使李珣撰右散騎常侍柳公權書并
篆額僧孺字思黯隴西狄道人歷相穆敬文三宗武
宗朝自山南節度使貶為循州刺史宣宗初終於太
子少師分司東都碑以大中二年十月立

集古
錄目

右唐牛僧孺碑李珣撰據碑云僧孺自襄陽節度使
降授太子少師遷檢校司徒兼太子太保而傳言下
遷太子少保進少師碑云宣宗即位自汝州長史遷
太子少保轉少師分司東洛而史但云還為少師亦

不言其為分司者皆史之闕誤又杜牧撰僧孺墓誌云文宗朝以中書侍郎領平章事而史作門下侍郎

亦非也

金石錄

太子太傅劉沔碑

韓博撰柳公權正書大中二年十二月

金石錄

右唐劉沔碑按舊史云沔許州牙將也少事李光顏為帳中親將元和中討吳元濟有功隨光顏入朝憲宗留宿衛歷三將軍鹽州刺史天德軍防禦使移振

武節度使而碑乃云沔北遊于單于都護府謁節度
范希朝希朝署牙門將入右神策軍為大將累遷
大將軍拜涇原節度使移振武蓋沔初未嘗為許州
牙將從李光顏平蔡及為鹽州刺史天德軍防禦使
皆當以碑為正至新史所書悉與碑合疑史官嘗得
此碑以訂舊史之失云

金石錄

張仁憲神道碑

大中二年幽州節度掌書記李儉撰幽州節度叅軍

蔡陵八分書并篆額仁憲字仁憲官至太子中允其
孫仲武為盧龍節度使追贈仁憲為工部尚書碑在

文安縣

集古錄目

內侍監仇士良碑

鄭薰撰朱玘行書毛伯貞篆額大中五年立

京兆金石錄

贈太尉李固言碑

李珣撰三從姪儔正書大中二年六月

金石錄

右唐李固言碑按新唐史列傳云固言自河東節度

使以疾為太子少師遷東都留守宣宗即位遷右僕射後以太子太傅分司東都卒以碑考之其初為東都留守數月即罷以本官分司而史不書至宣宗時為僕射再遷檢校司徒東都留守而史亦不書其卒也史云年七十八而碑云七十六亦當以碑為據

錄

幽州納降軍使李巖碑

正書撰人姓名殘缺大中六年

金石錄

嶺南節度使韋正貫碑

蕭鄴撰柳公權正書大中六年七月

金石錄

翰林學士中書舍人蕭鄴撰左散騎常侍柳公權正書正貫字公理京兆杜陵人官至嶺南節度使碑以

大中六年立

集古錄目

河東監軍康約言碑

柳公權撰并正書大中七年二月

金石錄

左散騎常侍柳公權撰并書約言宦者也字寡辭貝

州人位至河東監軍使內侍省內謁者監贈內常侍

碑以大中七年二月立

集古錄目

康約言碑柳公權撰并書約言宦者為河東監軍唐自開元以後職官益濫始有置使之名歷五代迄今多因而不廢世徒知今之使額非古官襲唐舊號而不知皆唐宦者之職約言在大和開成間嘗為鴻臚禮賓使又為內外客省使以此見今之使名自樞密宣徽而下皆唐宦官職也又以見鴻臚卿寺亦以宦

者為使於其間約言又為宣徽北院副使又見當時

南北院宣徽皆有副使也

集古錄

吏部尚書高元裕碑

蕭鄴撰柳公權正書大中七年十月

金石錄

右唐高元裕碑據舊史元裕列傳及此碑皆云元裕

祖名魁而新史宰相世系表獨作彪蓋誤

金石錄

司徒薛平碑

李宗閔撰柳公權正書大中七年十一月

金石錄

右唐薛平碑據唐史列傳云為平盧軍節度使就遷
檢校右僕射封魏國公寶歷初入朝拜檢校司空為
河中節度使進檢校司徒更封韓以碑考之自平盧
拜僕射進封韓國公敬宗即位拜檢校司空寶歷元
年朝京師換左僕射兼戶部尚書踰月復為檢校司
空河中節度使文宗即位就加檢校司徒蓋未嘗封
於魏而敬宗時入朝所拜官吏亦不載皆其闕誤也
碑言平罷滑臺為金吾嘗見二神人自天執節臨庭

中呼曰薛平還汝舊節公俯伏拜受及再為滑臺以
為當之矣復為平盧乃驗焉其事甚怪而唐史無之

豈非妄歟

金石錄

起居郎劉公碑

劉三復撰柳公權正書大中七年

金石錄

右唐起居郎劉君碑劉氏世墓在彭城叢亭里紹聖
間故陳無已學士居彭城以書抵余曰近得柳公權
所書劉君碑文字磨滅獨公權姓名三字煥然余因

求得之碑殘缺然可識者猶可十三四不忍棄故錄

之

金石錄

淮南節度使崔從碑

蔣紳撰柳公權正書大中八年

金石錄

翰林學士蔣紳撰權知太傅柳公權書從字子義清

河東武城人官至淮南節度副大使贈司空謚曰貞

碑以大中八年立

集古錄

兵部尚書盧綸碑

盧言撰崔倬正書大中十三年七月

金石錄

義昌軍節度使杜中立碑

裴坦撰杜宣猷正書大中十四年八月

金石錄

禮部尚書許康佐碑

書撰人姓名殘缺大中年立

金石錄

右唐許康佐碑康佐事文宗為翰林侍講學士文宗嘗讀春秋問康佐閤寺事康佐顧望不敢對後以問李訓訓遂進翦除之計康佐知帝指因稱疾罷為兵

部侍郎甘露之禍李訓實啟之其狂率固有罪然康
佐以儒學侍講讀備顧問而喑然不對至辭位而去

亦可謂全軀保妻子之臣矣

金石錄

贈太尉會稽郡公康志睦碑

韋瓘撰歸融正書楊述篆額咸通二年

京兆金石錄

贈司空史憲忠碑

裴坦撰李從誨正書葉泳篆額咸通三年立

京兆金石錄

贈太尉白敏中碑

中書侍郎平章事畢誠撰中書舍人王鐸書敏中字
用晦太原人歷相宣宗懿宗以太傅致仕卒贈太尉

碑以咸通三年立在下邳

集古錄目

太子少師裴休神道碑

宣武節度副大使

碑缺不見姓

處晦撰右散騎常侍韓琮

書休字公美河東聞喜人官至太子太師碑以咸通

八年立

集古錄目

振武節度使高弘碑

河東節度使鄭從謹撰右諫議大夫張鐸書弘字大
受渤海人官至振武麟勝等州節度使碑以咸通十

一年立

集古
錄目

贈司空孔岑父碑

鄭綱撰柳知微正書咸通十一年正月

金石
錄

太子少傅鄭綱撰前大理少卿柳知微書府君名岑

父字次翁魯國鄒人官至著作佐郎子幾戢皆顯貴

贈岑父司空碑以咸通十二年立在河陰縣

集古
錄目

孔岑父碑鄭綱撰柳知微書其碑云有子五人載幾
戡戢戰按新唐書宰相世系表岑父六子戡之下又
有威表據孔氏譜譜其家所藏碑文鄭綱撰綱自言
與孔氏有世舊作碑文時幾等尚在然則譜與碑文
皆不應有失而不同者何也余所集錄與史傳不同
者多其功過難以碑碣為正者銘誌所稱有褒有諱
疑其不實至於世系子孫官封名字無情增損故每
據碑以正史惟岑父碑文及其家譜二者皆為可據

故竝存之以俟來者

集古錄

右唐孔岑父碑鄭綱撰歐陽公集古錄云碑有子五人載幾戡戢戰按新唐書宰相世系表岑父六子戢之下又有威表據孔氏家譜譜其家所載碑文鄭綱撰綱自言與孔氏有世舊作碑時幾等尚在然則譜與碑文皆不應有失而不同者何也余按韓退之為幾墓誌云公之昆弟五人載戡戢戰公於次為第二與綱所撰碑正合然則安得復有威乎蓋綱與退之

皆當時人所書宜不謬而其家譜乃其後裔追書容

有差誤不足恠也

金石錄

狄梁公碑

皮日休撰錢雍分書并篆額咸通五年在彭澤縣修

真觀

復齊碑錄

贈特進段居木碑

崔蟾撰張宗厚書并篆乾符四年

京兆金石錄

左僕射康承訓碑

狄渠撰任表正書廣明元年庚子五月十九日建

復齋

錄碑

特進韋德鈞碑

王徽撰孫知誨書廣明元年

京兆金石錄

贈左僕射李紹立碑

石庭規撰康保胤正書并篆額大順三年四月立

復齋

錄碑

左監門將軍宋匡業碑

吳融撰門湘書光化元年

京兆金石錄

梁公儒碑

天祐中于廣撰王說書公儒者世為成德軍將公儒
當王鎔時為冀州刺史以卒其碑首題云唐故成德
軍內中門樞密使特進檢校太保使持節冀州諸軍
事冀州刺史團練守捉等使軍器作坊使其餘所領
事職甚多皆當時方鎮常事不足書惟樞密使唐之
末年內官之職其後方鎮遂亦僭置於此見之軍器

作坊五代之際號內諸司使皆朝廷官然不見其始
置時而今見於此豈方鎮之職朝廷因而用之耶將
方鎮之盛亦僭置也公儒事迹無所取特以此錄之

錄集古

晉王墓二殘碑

正書 朱彛尊跋曰代州栢林寺東晉王李克用墓
斷碑二其一曰唐故右龍武統軍檢校司徒贈太保
隴西李公神道之碑文曰公諱國昌字德興今為隴

西沙陀人偉姿容善騎射蓋克用之父朱邪赤心也
其一曰唐故使持節代州諸軍事代州刺史李公神
道之碑文曰公即太保之次子也其名克字僅存餘
可識者有公前躍馬彎弓突圍及徐方等數字按史
克用第四人次曰克讓為振武軍校從討王仙芝以
功拜金吾衛將軍宿衛京師賜第於親仁坊自克用
稱兵雲中殺守將段文楚詔捕克讓克讓與僕十餘
騎彎弧躍馬突圍出奔雁門與碑文合則為克讓無

疑但史載克讓守潼關與黃巢兵戰敗匿南山佛寺
中為寺僧所殺不言其為代州刺史又得歸葬於代
皆不可曉者當歐陽永叔時去五代甚近沙陀世次
已不得詳其為唐家人傳謂太祖四弟皆不知其父
母名號至國昌字德興史亦遺之是二碑永叔亦未

之見也

金石文
字記

補
太尉白敏中碑

白敏中碑畢誠撰其事與唐書列傳多同而傳載敏

中由李德裕薦進以獲用及德裕貶抵之甚力以此
為甚惡而碑云會昌中德裕起刑獄陷五宰相竄之
嶺外公承是之後一年寃者皆復其位以此為能其
為毀譽難信蓋如此故余於碑誌惟取其世次官壽
鄉里為正至於功過善惡未嘗為據者以此也碑又

言桑道茂事云桑道慕未知孰是

錄集古

有錄無說及無建立年月書撰姓名者

知制誥郭慎微碑

姪汭撰八分書姓名殘缺京兆金石錄云顧戒奢書

無年月

金石錄

孔憲公碑

虞世南書未詳

孔憲公即孔穎達也詳見昭陵諸碑

封府君碑

薛稷書西京

三品李公碑

薛稷書西京

襄城令贈魏州刺史李公碑

薛稷書西京

左散騎常侍同三品趙郡成公碑

薛稷書西京

李府君碑

李邕書西京

鄂州刺史盧府君碑 李邕書未詳

貝州刺史裴公碑 徐浩書西京

陳州刺史陶公碑 徐浩書西京

訪碑錄云姚奕撰序
張昇銘徐浩書開元

二十
年立

苗大夫碑 徐浩書西京

新安太守張公碑 徐浩書未詳

金石錄云天
寶十年見前

臧氏糾宗碑 顏真卿書耀州

濠州刺史顏元孫碑 顏真卿書西京

顏君神道碑 顏真卿書西京

華陰等五郡節度使馬公碑 顏真卿書西京

江陵少尹顏臧碑 顏真卿書未詳

尚書左丞韋璟碑 顏真卿書未詳

太子少保魏謩碑 柳公權書

檢校金部郎中贈太尉羅公碑 柳公權書西京

唐公碑 柳公權書西京

贈太尉崔植碑 柳公權書西京

少保趙公碑 歸登書西京

邠州節度贈右僕射史公碑 劉禹錫書西京

太子中允范陽盧府君碑 鄭餘慶書西京

訪碑錄云
于卽撰

檢校工部尚書贈兵部尚書盧俊碑 鄭餘慶書絳州

贈吏部尚書李公碑 裴潏書西京

義武節度大使贈司徒韓充碑 裴潏書西京

商州刺史高承簡碑 裴潏書未詳

宋州虞城令李府君碑 胡霈然書

訪碑錄云盧重撰
胡霈然書并題額

天寶
九年

號王鳳碑 殷仲容書耀州

兵部尚書東都留守顧少連碑 張弘靖書西京

華州刺史裴乾正碑 馮曉書京兆府

墨池編云馬署撰并書

渭北節度使臧希讓碑 張瑛八分書京兆府

訪碑錄云元載

撰

趙公碑 張庭珪八分書西京

斛斯府君碑 梁升卿八分書西京

工部侍郎李景伯碑

梁升卿分書西京

訪碑錄云從子訥撰梁昇

卿分書開元

二十五年

贈吏部尚書蕭雍碑

梁升卿八分書京兆府

李德遜碑

史惟則篆書華州

鄭瞿齊碑

史惟則八分書未詳

兵部張君碑

史惟則八分書未詳

延州都督宋公碑

史惟則八分書

太子詹事裴權碑

史惟則八分書未詳

汝州刺史李深碑 韓秀弼八分書汝州

亳州刺史李懷碑 李著八分書未詳

酸棗令母邱悅碑 東京

贈太尉上黨公碑 北京

潘孝子碑 東京

南樂令鄭信臣碑

魏博節度使田緒碑 邱絳文楊志方書北京

渭南令成克立碑 京兆府

張懷英碑 京兆府

段寬碑 蕭修正書華州

薛光裔碑 陸尚賓書絳州

澤州晉城縣令贈秘書監盧俊碑 絳州

龍門縣令皇甫君碑 絳州

山南西道節度掌書記右補闕裴公碑 絳州

右廂兵馬使母府君碑 絳州

義成軍節度使曹公碑 長慶四年西京

程公碑 陸賢書西京

劔南東西川鹽鐵租庸等使虢州刺史嚴公碑 顏頤

書元和

中書侍郎兼黃門侍郎同三品孫公碑

訪碑錄云撰書人及年月

并缺

贈齊州刺史崔府君碑 崔平書

陳公碑 疑蕭祐書

故房州刺史盧府君碑 弟全嗣文并書

太原少尹盧府君碑 張文禧書

薊州刺史靜塞軍使張公碑

明威將軍田府君碑 開元二年

太子賓客贈尚書令王府君碑 周式書大歷中

工部侍郎趙公碑 王宣書

訪碑錄云撰書人
缺開元十一年立

贈太子少師崔公碑

靈州司馬劉府君碑 開元二年

太子翊善鄭公碑 徐洪書

太子賓客孟簡碑 開成元年

左羽林統軍普寧郡王贈太子太保陳府君碑 蕭祐

書

襄陽李公碑 景龍二年西京

太原尹贈工部尚書唐公碑 盧曉書

清河崔公碑 貞元二十一年

太子賓客贈尚書孔府君碑

訪碑錄云撰書人
缺歲次丙午立

刑部尚書致仕白居易碑 譚邠書

檢校吏部郎中持節歙州諸軍事范陽盧府君碑 裴

述書

鄭州司馬王公碑 景龍三年

杭州刺史李公碑 郃恭書

邛州刺史狄公碑

洪州錄事叅軍贈趙州刺史趙道先碑

碑帖考云齊抗書在幟氏

節度使畢公碑 庾惟蔚書

瀛州刺史王公碑 劉安書

嘉州羅目令贈鄭州刺史郭府君碑 崔納書

望江令麴信陵碑 舒州

萬孝子碑 廬州

禮部侍郎信州刺史劉太真碑 江陵府

諸道石刻錄云裴虔撰蔣

潼正書在
漂水縣

洪州刺史王守真碑 崔璿書洪州

李太白碑 于邵立綿州

已上俱通志金石略

其已見者不錄

六藝之一錄卷七十一

欽定四庫全書

六藝之一錄卷七十二

錢唐倪濤撰

石刻文字四十八

唐刻 功德

孫仁師百濟班師碑

馬大斌撰正書無姓名麟德元年

金石錄

前隋州光化縣尉馬大斌撰無書人名氏高宗平百濟已而其國人復叛右威衛將軍孫仁師為熊津道

行軍大總管伐而平之師還至都洲刻石紀功以麟

德元年立

復齊碑錄

裴行儉碎葉城紀功碑

儀鳳二年裴行儉為安撫大食使諸部酋長悉來請

命將吏已下立碑於碎葉城以紀其功

舊唐書裴行儉傳

成惠紀功碑

在循州儀鳳中刻

輿地碑目

平南蠻碑

蕭普用撰序蔡希周銘韋悟徵正書開元十八年八

月

金石錄

大度山紀功碑

永昌三年曷蘇率貴川部與黨項種三十萬降后以
右玉鈐衛將軍張玄遇為安撫使即其部置葉州刻

石大度山以紀功

唐書吐蕃傳

哥舒翰紀功碑

在熙州

金石略

王公復陝城勲德碑

章廷龜書王公名思禮肅宗時立

碑帖

澤潞李抱玉紀功碑

元載撰史惟則八分書廣德二年立

金石錄

碑陰王惠安撰男自正正書

全上

李寶臣記功載政頌碑

永泰二年七月王佑撰王士則行書并篆額今在真

定府察院內

金石文字記

平蠻頌碑

韓雲卿撰韓秀實分書李陽冰篆額大歷十二年立

諸道石
刻錄

按西原蠻在唐為邊患久矣自肅宗至德以後百餘
年間諸蠻更相雄長乍服乍叛攻桂管十八州所至
焚廬舍掠士女元道州所謂城池井邑但生荒草登
高極望不見人烟蓋寶錄也今此碑所序大歷十一
年賊帥潘長安偽稱南安王誘脅夷蠻連跨州邑南

距雕題交趾西控昆明夜郎北洎黔巫衡湘毒如彼
其廣天子命隴西縣男昌夔持節招討擒獲元惡并
其將帥八十四人生獻闕下其俘虜二十餘萬並給
耕牛糧種令還舊居勛烈如此之著其列傳俱闕而
不書歐趙集古金石之文又偶不得此碑入錄鄉非
事著於碑而碑錄於余其遂無聞矣

集古
後錄

張茂昭功德碑

王璿撰并行書建中三年

金石錄

韋臯紀功德碑

見前御製類

李元亮懋功昭德頌碑

張濛撰韓秀弼八分書李曩篆額貞元五年十月

金石

錄

今在華州治大門內 舊唐書李元諒本名駱元光

嘗在潼關領軍積十數年軍士皆畏服德宗居奉天賊泚遣偽將何望之輕騎襲華州刺史董晉棄城走望之遂據城將聚兵以絕東道元諒自潼關將所部

乘其未設備徑攻望之遂拔華州望之走歸元諒乃修城隍器械召募不數日得兵萬餘人軍益振以功加御史中丞賊泚數遣兵來寇輒擊却之遷華州刺史兼御史大夫潼關防禦鎮國軍節度使與副元帥李晟進收京邑力戰壞苑垣而入遂復京師賜姓李

改名元諒終隴西節度使

金石文
字記

李元諒者駱元光賜姓名也以朱泚之亂能鎮定華州將徙治隴右故華州人感之行軍司馬董叔經請

於天子立碑述頌也張濛撰韓秀弼分書秀弼手筆
固是君家尚書公嫡派而碑頌駱公詞無虛溢并可
重也駱公封武康郡王謚莊威舊史不載見新唐書
此所謂事增於前者乎

石墨
錫華

韋南康紀功碑

元和五年刺史張九宗立碑陰載南康謝賜表字畫

大半磨滅

輿地
碑目

高崇文鹿頭山紀功碑

元和中高崇文為東川節度使成都北有鹿頭山扼
兩川之要劉闢築城以守之又連八柵以拒王師崇
文遣高霞寓鄺定進倍道追之闢自投岷江擒於湧
湍之中西蜀平詔刻石紀功於鹿頭山下

舊唐書高崇文傳

湖州紀功碑

在甲仗庫元和中紀刺史辛泌平李錡也

輿地碑目

平淮西碑

段文昌撰陸邛八分書元和十四年十月

金石錄

唐平淮西碑翰林學士段文昌撰安定李元直官朔
方得於定武余感而歎曰明娘子奢莫之媒也嫫母
力父是之喜也昔昌黎受詔為文開鑿渾元索功玄
宰蓋精金百汰愈鍊愈堅其植根深其藏本固發越
於外其華熒然不可掩已自漢以後無此作也帝子
不慧過量其夫且嬌姹之苟以大功尸於私室夸耀
寵靈要求命數惟意私之則破其碑以仆於道時君
世宰暗愚自將則受以改命文昌庸伍安知為文氣

質衰陋無復經緯雖組織求麗而綱領失据正如江
左俗學以麗偶自矜借使一時女子無知朝廷之間
君臣論議又出一女子下耶借使在朝無人庸鄙暗
劣文昌其可承詔為此哉昔李商隱讀愈平淮西碑
謂如元氣正賴陶冶庶類而當時不容況一日得行
其道吾知其不得存矣或謂不叙愬功考其言用夜
半至蔡破其門取元濟以獻盡得其屬士卒豈嘗泯
沒無傳顧愈以裴度決勝廟算請身任之帝默羣議

決用不疑此其所取遠矣劉禹錫知名於時嘗忌愈
出其右貞元長慶間禹錫隨後以進故為說每務詆
訾且謂文昌此碑自成一家其自快私意如此又謂
柳宗元言愈作此碑如時習小生作帽子頭以糾綴
其文且不若仰父俛子以此為上下之分宗元嘗推
愈過楊雄不宜有此語皆禹錫妄也

廣川書跋

平盧節度薛平紀績碑

栢元封撰八分書長慶三年三月

金石錄

邠國公梁守謙功德碑

楊承和撰并書陸邛篆額長慶二年

京兆金石錄

右唐邠國公功德銘右神策軍護軍中尉楊承和撰并書邠國公者內侍梁守謙也攷之唐史宦者守謙無傳惟憲宗十五年書帝暴崩於太極殿中尉梁守謙王守澄等共立太子殺吐突承瓘及愷王憚而韓文公平淮西碑亦載守謙在帝左右嘗命之往撫蔡師夫守謙以一宦者而爵至上公此可見憲宗之信

任小人宜其晚節不終卒死宦者之手然則予之錄

此蓋將為天下後世之戒而非徒取其文字也

金薤
琳瑯

此宦者梁守謙造經於興唐寺而護軍中尉楊承和

為銘之書之者也書全法歐陽蘭臺方整老勁所不

及者結構小疎耳但頌宦者功德乃謂淮蔡之功十

居其七將令裴李諸公何處生活

石墨
鐫華

仇士良紀功碑

武宗初車駕幸昆明池賜仇士良紀功碑詔右僕射

李程為其文

舊唐書本紀

張仲武盧龍紀功碑

張仲武為幽州大都督始回鶻常有酋長監奚契丹

以督歲貢因詞刺中國張仲武使裨將石公緒等厚

結二部執謀者八百餘人殺之名王貴種相繼降捕

幾千人仲武表請立石以紀聖功帝詔李德裕為銘

揭碑盧龍以告後世

唐書本傳

韋丹功德碑

宣宗讀元和實錄見韋丹政事卓然他日與宰相語
元和時治民孰第一周墀對臣嘗守江西韋丹有大
功德被八州歿四十年老幼思之不忘乃詔觀察使
紇干泉上丹功狀命刻功於碑

唐書
本傳

滅黃巢紀功碑

景福二年立

天下金
石志

朱全忠迎鑾紀功碑

天祐二年七月賜朱全忠迎鑾紀功碑文立於都內

舊唐書

本紀

唐碑

德政

慶陶縣令李明府清德頌碑

正書無書撰人姓名永徽元年

金石錄

宗城令薛寶德政碑

永徽二年北京

金石略

穀州刺史裴君清德頌碑

正書無書撰人姓名永徽五年

金石錄

裴君名律師碑篆書題額云大唐穀州刺史裴公德
政碑按隋書義寧二年以新安縣置新安郡唐武德
元年曰穀州貞觀元年徙穀州治澠池六年徙治福
昌顯慶二年州廢以福昌永寧長水屬洛州
黔南節度使趙國珍德政碑

上元二年

輿地
碑目

蒲州刺史李公德政碑

正書無書撰人姓名乾封元年九月

金石
錄

相州刺史許圜德政碑

正書無書撰人姓名乾封二年

金石錄

於潛縣令丁明府德政頌碑

殷亮撰并書公名君表字元章麟德二年三月立

諸道

石刻錄

齊州刺史薛寶積清德頌碑

正書無書撰人姓名總章二年八月

金石錄

歷城令劉文恪清德頌碑

正書無書撰人姓名總章二年

金石錄

臨汾縣令于府君德政碑

謝祐撰柳洋正書咸亨四年十月

金石錄

任城令元府君清德頌碑

八分書無書撰人姓名調露二年十二月

金石錄

獨孤府君德政碑

硖石尉孟

缺

休撰桃林主簿盧元珪書碑今缺府君

名不可見其字曰思思下又缺一字河南洛陽人給

事中元愷之子為陝州桃林令入為水部員外郎桃
林人立此碑以頌德據唐書表元愷二子曰思莊思
行而亦不著名此不知其為誰也碑以調露二年立

集古
錄目

元府君德政碑

不著書撰人名氏府君名思哲字知仁河南洛陽人
以絳郡夏縣令卒於官縣人右監門校尉陰神義等

為立碑以頌德以調露二年立在夏縣

集古
錄目

恒州刺史陶雲德政碑

張義咸撰行書無姓名永淳三年

金石錄

申州錄事張義感撰雲字大舉河南伊闕人也高宗
時為恒州刺史碑以永淳三年立予為河北轉運使
至真定府見碑仆在府門外半埋地中命工掘出立
於廡下字為行書筆跡遒麗而不著書者姓名惜哉

集古錄

洛州刺史賈公清德頌碑

正書無書撰人姓名高宗時立年月殘缺

金石錄

右唐洛州刺史賈公清德頌按唐史循吏傳賈敦頤敦實相繼為洛州刺史有惠愛郡人皆為刻石號棠棣碑今敦實之碑亡矣此碑載初除洛州制書有云三川之境是稱都會六條之寄尤屬時英蒲州刺史賈敦頤體業強正識用優敏蓋其名乃敦頤也又武后實錄敦實傳中亦作敦頤以此知唐史傳寫之誤又按法書要錄此碑王知敬書以知敬所書他石刻

較之字畫不類未知果知敬書否也

錄金石

武強縣令梁君德政碑

撰人名缺劉玄明正書垂拱元年四月

錄金石

介休令張君清德碑

李愿撰李敬八分書永昌元年九月

錄金石

醴泉縣令張仁蘊德政碑

齊處仲撰顏真卿正書長壽三年四月

錄金石

右唐醴泉縣令張仁蘊德政碑長壽三年立醴泉尉

顏真卿書按魯公雖嘗為此官然在開元間而魯公以貞元元年為李希烈所害年七十六上距長壽三年實九十餘歲是時猶未生也又筆法與魯公他書不類以此疑有姓名同者然碑武后時立而不用當時所製字或云碑雖建於長壽中至魯公為尉重書而刻之未可知也據新史紀傳魯公以貞元元年被害年七十六而舊史德宗實錄皆云歿于興元元年七十七疑新史誤

金石錄

渭南令李君清德碑

馬吉甫撰正書無姓名聖歷元年十月

金石錄

直崇文館馬吉甫撰不著書人名氏李君名思古渤海脩人為鴻州渭南令入拜右司員外郎縣人為立

清德碑以聖歷元年十月立

集古錄目

鴻州渭南縣令李君清德碑馬吉甫撰按唐書則天
天授二年析雍州之渭南慶山置鴻門縣遂以慶山
鴻門渭南高陵櫟陽置鴻州大足二年廢

集古錄

栢仁令鄭君紀德碑

李義仲撰正書無姓名聖歷二年十一月

金石錄

福昌縣令張君清德頌碑

薛稷撰并正書大足元年九月

金石錄

鳳閣舍人薛稷撰不著書人名字考其字畫疑亦稷所書也張君漢相蒼之二十九世孫武后時自福昌令徙為洛陽令而福昌人為之立此碑張君名及立石年月皆剝缺不可辨

集古錄目

韋景駿頌德碑

神龍中韋景駿為肥鄉令時河北饑景駿躬撫合境
村閭必通贍恤貧弱獨免流離及去任人吏立碑頌

德

舊唐書
本傳

葉縣令宋君遺愛頌碑

吳師道撰正書無姓名神龍三年五月

金錄石

句容令岑公德政碑

張景毓撰釋翹徵正書景龍二年二月

金錄石

右岑君德政碑乃唐雍州錄事參軍張景毓字燭微撰按碑岑君名禎字德茂南陽人也祖文本父景倩解褐為參軍又為蒲州司戶參軍又調補衢州司倉參軍乃擢授潤州句容縣令是碑因其去而立也碑今在縣治二門外今年秋予以試事赴句容既失意日夕游衍崇明寺託居民搨數碑以還柳汧江君指示此及寺中仆地石幢云是李北海所書又檢書史會要以示句容隱士若江君者可謂難得矣是日出

少時與祝京兆往復詩藁及宋刻句容縣志自言遠
祖江賓王與朱文公同年家有當時試錄在鄉中不
及取后予迫試事歸昨始寄至因得摩挲墨本恍憶
往事故記之云嘉靖戊午十月廿一日記

蒼潤軒
碑跋

新興縣令光燕客清德碑

閻朝隱撰王麟行書景龍二年戊申九月建

復齋
碑錄

揚州長史姚崇紀德碑

中宗時姚崇為揚州長史政條簡肅人為紀德於碑

舊唐書

本傳

永昌令韋抗遺惠碑

景雲初韋抗為永昌令不務威刑政令肅一都輦繁劇寬猛得中遷右臺御史中丞吏人立碑通衢紀其

遺惠

舊唐書本傳

洛州長史盧公善政頌碑

撰人姓名殘缺蘇說八分書景雲二年

金石錄

裴觀德政碑

賈昇撰僧湛然分書開元八年立在峴山

復齊碑錄

兗州刺史韋府君遺愛頌碑

狄光嗣撰張庭珪正書開元九年十一月

金石錄

刺史靳恒遺愛頌碑并碑陰

張九齡撰高慈正書開元十一年立碑陰述羣官陪

靳使君登峴山紀文

復齊碑錄

真定令柳君紀德碑

裴抗撰并八分書開元十二年

金石錄

下博令許君德政頌碑

王懷惠撰馮靈仙正書開元十六年正月

金石錄

武臨令慕容公德政碑

正書書撰人姓名殘缺開元十六年四月

金石錄

堂陽令元府君德政碑

正書無書撰人姓名開元十七年正月

金石錄

膠水令徐公德政碑

封利建撰序杜暉銘正書姓名殘缺開元十九年正

月金石錄

京兆尹張公德政碑

孟匡朝撰史惟則八分書開元二十一年

金石錄

華州刺史楊公遺愛頌碑

王暉撰史惟則八分書開元二十三年

金石錄

碑陰 史惟則八分書

全上

元氏令龐公清德頌碑

邵混之撰蔡有鄰八分書開元二十四年八月

金石錄

蒲州刺史裴寬德政碑

趙良器撰韓擇木分書開元二十四年

訪碑錄

館陶令徐公遺愛碑

張孚撰宋瑗八分書開元二十四年十月

金石錄

館陶令徐穀德政碑朱瑤分書北京

金石略

真定令杜府君遺愛頌碑

李琚撰并八分書開元二十五年

金石錄

濟源令李造遺愛碑

梁涉撰徐浩正書開元二十六年十一月

金石錄

中書舍人梁涉撰監察御史集賢院修撰徐浩書李

公名造唐之宗室自濟源令入為

缺

此頌濟源令

碑以開元二十六年十一月立

集古錄目

重脩李造遺愛碑記

高從規撰高從彥正書貞元二十一年立附

金石錄

李適之清德頌碑

蕭誠行書開元二十七年三月

金石錄

前刺史李適之德政頌蕭誠書唐州

金石略

李適之碑陰記

張嘉貞撰行書無姓名一作呂岩說撰樊瓘正書開

元二十七年三月附

薛僅善政頌

徐季錫文崔黃中行書開元二十七年

金石錄

李涓德政碑

河中猗氏縣丞

缺

吳撰吏部常選張休

缺

書絳州夏

縣令李洵之德政碑也洵字缺

人碑以開元

二十七年立在夏縣

集古錄目

易州刺史田仁琬德政碑

徐安貞撰蘇靈芝行書開元二十八年十月

金石錄

中書侍郎集賢院學士徐安貞撰蘇靈芝書琬字正

勤自易州刺史遷為安西都護此易州人所立德政

碑也以開元二十八年十月立

集古錄目

此蘇靈芝書靈芝武功人生開元天寶間書與胡需

然齊名霈然書評者謂其格力不揚今霈然書不可
見見此碑可以得其概矣大都源出聖教而肥媚為
多尚不及王縉書王清源公碑而宣和譜擬之季海
伯施季海不足論但恐伯施於地下笑人

石墨
鐫華

太谷令安庭堅美政頌碑

撰人姓名殘缺房璘妻高氏書開元二十九年三月

金石
錄

開元二十九年安公美政頌房璘妻高氏書安公者

名庭堅其事蹟匪奇而文辭亦匪佳作惟其筆畫迥麗不類婦人所書余所集錄亦已博矣而婦人之筆著於金石者高氏一人而已然余嘗與蔡君謨論書以謂書之盛莫盛於唐書之廢莫甚於今余之所錄如于頔高駢下至陳遊瓌輩等書皆有唐之武夫悍將暨楷書手輩字皆可愛今文儒之盛其書法屈指可數者無三四人非皆不能蓋忽不為爾唐人書見於今而名不知於當時者如張師邱繆師愈之類蓋

又不可勝數也非余錄之則將遂泯然於後世矣余
於集古不為無益也夫

集古錄

扶溝令馬光淑德政頌碑

崔顯撰八分書姓名殘缺開元二十九年八月

金石錄

掖縣令趙公德政頌碑

行書無書撰人姓名開元二十九年八月

金石錄

長安令韋堅德政碑

梁涉撰呂向行書天寶元年

京兆金石錄

襄陽令庫狄履溫德政碑

周擇從撰蕭頌行書天寶三年正月

金石錄

襄陽令河南庫狄君遺愛頌天寶中周擇從撰蕭誠書石已中斷僅存其半云名履溫峙之後按北史庫狄峙傳其先遼東人段匹磾之苗裔以避難變姓庫

狄

集古後錄

西河太守杜公遺愛碑

書撰人姓名殘闕天寶五年

金石錄

濟源令唐公遺愛碑

平列撰徐浩行書天寶七年二月

金石錄

尉氏令李良清德碑

天寶五載在東京

金石略

在尉氏縣衙公門外天寶五載立

寶刻叢編

魏郡太守苗晉卿德政碑

王維撰天寶七載立

訪碑錄

濟源令房瑄遺愛頌碑

監察御史平冽撰河陽縣令徐浩書房公名瑄清河人嘗為濟源令冽作頌時瑄為給事中碑以天寶七

年二月立

集古錄目

任邱令王公清德碑

傅衡之文崔倚正書天寶八年九月

金石錄

西河太守劉寧德政碑

孫宰撰鄔彤行書天寶九年

金石錄

淮陰太守趙悅遺愛碑

張楚金撰行書無姓名天寶十四年

金石錄

壽張令劉公仁政碑

無撰人姓名周良弼八分書天寶十五年

金石錄

襄陽令盧君德政碑

閻寬文史惟則八分書天寶中立

金石錄

太子正字閻寬撰伊闕縣尉集賢院待制史惟則八分書盧僊字子誠范陽人為襄陽令此蓋去思碑也

碑字多殘缺不見所立年月

集古錄目

襄陽牧獨孤冊遺愛頌碑

李邕撰蕭誠行書天寶中立

唐江夏太守李邕撰蘭陵蕭誠書府君名冊字伯謀
河南人嘗為襄州刺史此碑襄人所立也石為四面
其兩面剝缺不可讀不知所立年月

集古
錄目

誠書世多有而此尤佳碑在峴山亭下余自夷陵徙
乾德令嘗登峴山讀此碑碑為四面而一面字完今
人家所傳祇有一面而余所得有二面故其一面頗

有訛缺也府君諱冊字伯謀河南人也其文不完故

不見其終始

集古錄

靈寶縣令裴遂遺愛頌碑

賈庭瑤序王諲銘史惟則八分書天寶中立

諸道石刻錄

劍南節度崔圓遺愛碑

天寶末玄宗幸蜀劍南節度崔圓增修城池建置館

宇儲備什器及乘輿至殿宇牙帳咸如宿設玄宗甚

嗟賞之肅宗即位玄宗命圓與房瑄韋見素並赴肅

宗行在所玄宗親製遺愛碑於蜀以寵之

舊唐書本傳

烏程令韋君德政碑

沈務本撰沈仲昌正書至德二年二月

金石錄

任城尉韋公惠愛碑

苗藏緒撰正書無姓名乾元二年五月

金石錄

鳳翔李梁公遺愛碑

房琯撰韓擇木八分書廣德元年五月碑在鳳翔府

今在長安

金石錄

渭南令路公遺愛表

蘇源明撰行書上元二年

金石錄

考功郎中知制誥蘇源明撰不著書人名氏嗣恭字
嗣恭平陽人初名劒客開元中歷數縣令皆有能名
明皇以為可嗣漢魯恭故賜此名復歷渭南令官至
朔方留後上元二年渭南為立此碑在渭南

集古錄目

餘杭令陳允昇德政碑

李紆撰上元二年立在本縣內

訪碑錄

淮南節度使崔圓頌德碑

李華撰張從申正書大厯二年正月

金石錄

絳州刺史李公德政碑

崔巨撰劉鈞八分書大厯二年二月

金石錄

邠寧馬璘德政碑

韓雲卿撰張少悌行書大厯三年四月

金石錄

龔邱令庾公德政碑

李陽冰撰并篆書大厯五年九月

金石錄

樂城令劉沔遺愛碑

在本縣鄭汲撰趙舍書大歷五年

訪碑錄

高陵令李峴遺愛頌

蘇端撰張潭行書大歷六年七月

金石錄

右唐李峴遺愛頌峴嘗任高陵縣令後為宰相以歿
歿後縣令蘇端刻此頌焉碑云曾祖恪封吳王祖琨
嗣吳王父禕信安郡王元和姓纂所載亦同而唐書
列傳以為恪之孫誤矣

金石錄

明州刺史裴倣紀德碑

越州刺史浙江東道節度副使王密撰集賢院學士

李陽冰篆裴公倣代宗時為明州刺史歲滿罷去

州人為之立碑不著刻石年月

集古錄目

王密撰李陽冰篆并古文額大厯八年立

復齋碑錄

裴公倣為明州刺史密代之為作此文其文云皇唐

御神器一百四十二年天下大康海隅小寇結亂甌

越因言明州當出兵之衝民物殘弊倣撫綏有惠愛

而人思之爾按唐自戊寅武德元年受命至己亥乾元二年乃一百四十二年是時肅宗新起靈武上皇自蜀初還史思明僭號於河北是歲洛陽汝鄭等州皆陷於賊不得云天下大康而海隅小寇也考於史傳又不見其事惟台州賊袁晁攻陷浙東諸郡乃寶應元年當云一百四十五年又據密代做為明州刺史至大歷十四年移湖州則倣密相繼為刺史宜在代宗時然密當時人推次唐年不應有失余友王回

深父曰唐自武德至大歷八年實一百五十六年中
間除則天稱周十四年則正得一百四十二年是時
天下初定文人著辭以為大康理亦可通是歲廣州
哥舒晃作亂海隅小寇豈謂此歟余以謂哥舒晃之
亂唐命江西路嗣恭討平之不當自明州出兵深父
曰然兵家出奇明州海道去廣不遠亦或然也故并

著之

集古錄

汝州刺史李深遺愛碑

撰人名缺韓秀弼八分書大厯十二年三月

金石錄

壽州刺史張鑑去思頌

趙旦撰王湍八分書大厯十四年十二月

金石錄

宣歙觀察使薛邕去思碑

崔巨撰裴華分書并篆額大厈十四年八月建

復齊碑錄

金石略作裴章分書墨池編作裴律

元結德政碑

大厈中立在容州

諸道石刻錄

明州刺史王公德政碑

李舟撰顏真卿書李陽冰篆建中元年十月

金石錄

浙東觀察判官李舟撰太子少師顏真卿書國子監
丞李陽冰篆額王公名密德宗初自明州移為湖州
刺史州人潘瀾阮津等請立遺愛碑以建中二年十
月立并勅書同刻勅徐浩所書也

集古錄目

太師於書天得也嘗學折釵股謂得古人書法隱處
余見此碑特盡之矣故為世絕藝觀太師名德偉然

為天下第一忠義之發本於天性今人不得盡知惟
書法入石流傳於後故世無賢不肖皆得知之蓋以
公為善書人也今書藝所學皆深墨重筆如指畫木
印狀皆謂能學公之書矣昔夫子能拓關而不以力
聞蓋以慎其所習也公於書自喜常患後世不傳則
其陷流俗中亦自取其累也

廣川
書跋

夏縣令韋公遺愛頌

鄭士林撰胡証八分書貞元二年八月

金石
錄

韋輿遺愛頌監察御史鄭士林撰前進士胡証八分書輿字又玄京兆杜陵人嘗為夏縣令此碑夏縣人

所立以貞元二年八月刻在夏縣

集古錄目

澤潞李抱真德政碑

董晉撰班宏書貞元九年

金石錄

澄城令鄭君德政碑

陳京撰鄭雲達行書貞元十四年正月

金石錄

今在本縣文多剝泐但云公字叔教鄭州滎陽人而

不得其名

金石文
字記

同州刺史崔宗遺愛碑

楊憑撰韋縱正書貞元十七年

金石錄

盧州刺史羅公德政碑

楊憑撰徐璠正書并篆貞元十八年十月

金石錄

東陽令戴叔倫去思頌

陸長源撰李秋實八分書興元二年五月建在本縣

學

復齋碑錄
金石略云蕭誠書

虞城令李公去思頌

李白撰王通篆書元和四年六月

金石錄

唐世以書自名者多而小篆之學不數家自陽冰獨擅後無繼者其前惟有碧落碑而不見名氏通開元天寶時人在陽冰前而相去不遠亦工八分然當時不甚知名雖字畫不為工而一時未有及者所書篆字惟有此爾世亦罕傳余以集錄求之勤且博僅得此爾今世以小篆名家如邵不疑楊南仲章友直問

之皆云未嘗見也

集古錄

右唐虞城令李公去思碑李白撰王適書碑側題云
元和四年六月重篆蓋適不與白同時此碑後來追

建爾歐陽公集古錄云適在陽冰前者誤也

金石錄

魏博節度田緒遺愛碑

裴垪撰張弘靖正書元和六年四月

金石錄

右唐魏博田緒遺愛碑裴垪撰張弘靖書政和中與

柳公權所書何進滔德政碑俱為大名尹所毀

金石錄

襄州樊成公遺愛碑

李絳撰鄭餘慶正書元和八年十二月

金石錄

中書舍人平章事李絳撰太子少保鄭餘慶書襄州
刺史山南東道節度使袁滋篆額滋以憲宗時鎮山
南言故貞元中節度使樊澤在州有善政請立遺愛
碑絳奉勅撰澤字安時南陽人後終於荆南節度謚

曰成碑以元和八年十二月立

集古錄目

碑云相國賈公時鎮漢南以公為行軍司馬明年召

賈公公代其鎮賈公者賈耽也初耽以德宗在梁使澤奏事俄有急詔以澤代耽大將張獻甫曰天子播越行軍以公命問行在及反利公土地可謂事人不忠矣軍中不平請為公殺之耽曰是何謂也朝廷有命即為帥矣碑稱詔書始下而人情悅毀譽之不可

以為信如此

集古後錄

宗城令衛知全德政碑

在本縣長慶二年立

訪碑錄

潞州刺史高公德政碑

王起撰裴潞書長慶中立

金石錄

右潞州刺史高公德政碑王起撰按唐書地理志元和十二年以鄆城上蔡西平遂平四縣置潞州長慶元年州廢今碑後題長慶而其下殘缺當為元年蓋是年州遂廢矣高公者名承簡崇文之子為裴度牙將後至汾州節度唐史有傳

全上

楊元卿德政碑

穆宗時楊元卿為涇原渭節度觀察等使奏置屯田
五千頃每屯築牆高數仞鍵閉牢密卒然寇至盡可
保守六年涇人論奏為立德政碑

舊唐書
本傳

義成李德裕德政碑

賈餗撰歸融八分書大和六年八月

金石錄

義成軍節度李聽德政碑

宋申錫奉勅撰待詔侯丕奉勅正書大和三年八月

建

復齊
碑錄

殷侑德政碑

太和四年殷侑為滄齊觀察使勸課多方民吏胥悅

上表請立德政碑

舊唐書
本傳

魏博節度何進滔德政碑

柳公權撰并正書開成五年五月

金石錄

何進滔德政碑唐翰林學士承旨兼侍書柳公權撰

并書進滔唐書有傳開成五年立其高數丈制度甚

闕偉在今河北都轉運使公廨園中

集古錄

右唐何進滔德政碑進滔事迹固無足取而柳公權書法為世模楷此碑尤為雄偉政和中大名尹建言磨去舊文別刊新製好古者為之歎惜也

金石錄

翰林學士承旨兼侍書工部侍郎柳公權撰并書翰林待詔梁王府司馬唐玄度篆額進滔文宗時為魏博節度使文宗詔公權為撰德政碑以開成五年正

月立有碑樓尚存

集古錄目

徐商德政碑

李騰撰李曉隸書并篆額咸通六年十二月建

復齊碑錄

東海徐公德政頌李騰撰咸通六年在峴山

輿地碑目

王重榮德政碑

中和四年歸仁澤撰唐彥謙書

碑帖考

王重榮德政碑歸仁澤撰唐彥謙書重榮當唐之末
再逐其帥遂據河中雖破黃巢平朱玫之叛有功於
一時而阻兵召亂為唐患者多矣碑文辭非工而事
實無可采所以錄者俾世知求名莫如自修善譽不

能掩惡也考重榮之碑豈不欲垂美名於千載而其惡終暴於後世者毀譽善惡不可誣故也彥謙以詩知名而詩鄙俚字不甚工皆非予所取也

集古錄

恩賜瑯琊郡王德政碑

乾寧三年王兢撰

輿地碑目

王審知德政碑

天祐二年閏十二月福建百姓僧道詣闕為節度使

王審知請立德政碑從之

舊唐書本紀

補

賈休清德碑

詳正學士張顯思撰正書無姓名萬歲通天二年九

月建

復齊碑錄

三原令乙速孤令從清政頌

梁陟撰陳載正書開元二十六年四月建

復齊碑錄

補房瑄碑陰記

石洪撰兵部郎中鄭權書房瑄有遺愛碑在濟源元

和六年瑄從祖子式以河南尹奉詔祠濟源洪等刻

此記於碑陰

集古錄目

石洪文字罕見於後世故特錄之

集古錄

有錄無說及無建立年月書撰姓名者

柘城令李公德政碑

封利建撰魏崇行書

金石錄

徐州刺史封公德政碑

李迴秀撰李思惲行書

金石錄

邠寧節度高霞寓德政碑

韋處厚撰王良容書

諸道石刻

錄

裴行機德政碑

在高苑縣

諸道石刻錄

高苑令袁仁德政碑

碑缺不見立石年月在本縣訪碑

錄

宗城令王紹業去思碑

永淳二年立

訪碑錄

莘縣令杜仲智德政碑

在本縣

訪碑錄

武強令王公德政碑

在本縣

訪碑錄

餘杭令劉允恭德政碑

在本縣內

訪碑錄

偃師縣令崔府君德政碑 薛稷書西京

已下俱金石略

襄州牧衛府君遺愛頌 蕭誠書襄州

鎮國節度楊公遺愛頌 史惟則八分書華州

考城令王列德政碑 東京

長垣令鄭諲清德頌 東京

訪碑錄云在
本縣衙門內

鳳翔節度使李昌言德政碑 李邕書鳳翔府

鳳翔節度使孫志直紀德碑 劉孺之書鳳翔府

靈寶縣令李良弼德政頌 陝府

楊正公德政碑 華州

朝散大夫王公德政碑 絳州

龍門縣令王公善德政碑 絳州

萬年縣令裴公德政碑 絳州

絳州刺史郇國公韋陟遺愛碑 蘇嬰分書

沂州刺史徐孝德清德碑 沂州

淮南觀察使崔公頌德碑 廬州

光州刺史郭道瑜德政碑 已上十六碑俱見金石略其已見者不錄

奉先縣令李渭遺愛頌 王禹八分書 墨池編

夏縣宰德政頌


張休倩書

墨池編

赫連子悅清德頌

無書撰人名氏

墨池編



六藝之一錄卷七十二